

* XCV.

EPISTOLA SYMMACHI PAPÆ AD CÆSARIUM ARELATENSEM EPISCOPUM¹ (ANN. 514).

Ex hac epistolâ constat Cæsarium ecclesiæ beati Petri liminibus præsentatum eodem anno quo pallii honore decoratus est, Arelatensis ecclesiæ privilegia renovari expostulâsse: quæ concessit papa, rationabile judicans ut quod vetustas præstiterat, et patrum auctoritas roboraverat, novâ non violaretur præsumptione. Ad calcem epistolæ, more pontificum Romanorum, de quo suprâ dictum est, annexus est libellus petitorius Cæsarii, papæ oblatu. Data viij idus novembris, Probo cons.

* XCVI.

HORMISDÆ PAPÆ EPISTOLA AD CÆSARIUM ARELATENSEM EPISCOPUM² (CIRC. ANN. 516).

Pontifex Cæsarium laudat ob erectum puellarum monasterium cujus privilegia confirmat; vetat ne quis episcopus Arelatensis quicquam sibi vindicet in hoc monasterio, præter sollicitudinem pastorem; etsi magis probasset monasterium aliundè quam ex bonis ecclesiæ dotari, concessionem tamen eidem factas confirmat.

* XCVII.

SIGISMUNDI, BURGUNDIORUM REGIS, EDICTUM³ (CIRCA ANN. 517).

Sigismundus, rex Burgundionum: cum naturale juri Gimelli episcopi⁴ digna et laudabile suggestionem conperimus, exposita⁵ quos miseratio collici faceibus⁶ et ideo prætermitti⁷ dum collegentes alumnus sibi eripi calumniantum intencionum formidant; et cessantem misericordiam⁸ eorum animas quæ male⁹ poterant interire: quapropter iusta suggescione permoti quæ sanctæ memoriæ patri nostro de eadem causa suggesta sunt, præsentium edictorum tenere¹⁰ decrevimus uagari¹¹, statuentis sicut nostra lex loquitur: ut inter Romanu[s] etiam de hoc negotio lege Romanorum ordo servatur¹². Inter Burgundionis et Romanus exortum tali litigium, qualiter a nobis

¹ Hanc epistolam edidit Baronius ad ann. 514; Sirmundus, Conc. ant. Gall., t. I, pag. 187; Saxius Pontif. Arelat. ex Baron. et manuscr., pag. 92; Labbeus, Concil., t. X, col. 278; D. Bouquet, Rer. gall. et franc. script., t. IV, pag. 55; Labbat, Coll. conc. Gall., col. 855.

² Apud Bolland. ad calcem regulæ monasterii sanctæ Cæsariæ virginis. Quanquam nullibi, cum hac regulâ reperiatur, hoc movere non debet, hujus enim epistolæ meminit Cæsarius in testamento suo, quod infra describetur. Ex Bolland. recudit D. Labbat, Collectio concil. Galliæ, col. 879.

³ Edictum illud inscriptum *De collectis*, et meâ quidem sententiâ, imprimisque judicio docti viri Guérard. nondum publici juris factum, reperi in codice Bibliothecæ regiæ 2151 (supp. lat.); qui quidem codex idem mihi esse videtur atque ille quem Baluzius Capitular., t. II, col. 1047, vocitat S. Lanomari Blesensis, et ibid., col. 989 et sqq. codicem Corbionensem. Scribendi normam graphicè confor-

mavi codici quem sub oculis habebam; quasdam tamen emendationes proponam in notis.

⁴ Gemellus Vasensis episcopus concilio Epaonensi subscripsit anno 517; quæ Vasensis civitas, in ditione Burgundionum regum erat.

⁵ Legendum *dignâ et laudabilis suggestionem... expositos*.

⁶ Sic in codice, sed legendum *faciebatur*.

⁷ Id est *dereelinqui*.

⁸ Sic legendum mihi videtur: *alumnos sibi eripi calumniantium intentione formidant; et cessante misericordiâ, etc.*

⁹ Hæc vox amanuensis oscitantiæ tribuenda videtur; legerem *ali*.

¹⁰ Mendosè; legendum *tenore*.

¹¹ Legendum arbitror: *vulgari*, quod idem sonat ad *prædicare, proclamare*.

¹² Ut probè intelligatur hæc edicti sententia, animadvertendum est, jure romano, ut constat ex tit. vii, lib. V, codicis theodosiani, seu alariciani brevii, statutum fuisse, eis qui expositos infantes

Cod. 215 fol. 39^a (suppl. lat.)